



# SLUŽBENE NOVINE

## KANTONA SARAJEVO

Godina XV – Broj 11

Petak, 7. maja 2010. godine  
SARAJEVO

ISSN 1512-7052

### KANTON SARAJEVO

#### Skupština Kantona

Na osnovu člana 12. tačka b) i člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96 - Ispravka, 3/96 - Ispravka, 16/97, 14/00, 4/01 i 28/04) i člana 93. Zakona o visokom obrazovanju ("Službene novine Kantona Sarajevo", broj 43/08), Skupština Kantona Sarajevo, na sjednici održanoj 4. maja 2010. godine, donijela je

#### ZAKON

#### O STUDENTSKOM ORGANIZOVANJU NA PODRUČJU KANTONA SARAJEVO

#### DIO I - OSNOVNE ODREDBE

##### Član 1.

(Predmet Zakona)

Ovim Zakonom se uređuje osnivanje, položaj, djelatnost, organizovanje i način finansiranja studentskih organizacija na visokoškolskim ustanovama na području Kantona Sarajevo, studentski izbori, procedure ostvarivanja studentskih prava, izbor i djelovanje studentskog pravobranioca Studentskog parlamenta visokoškolske ustanove, te druga pitanja u vezi sa djelovanjem studentskih organizacija.

##### Član 2.

(Značenje izraza)

U smislu ovoga Zakona, izrazi imaju sljedeća značenja:

- Student** je lice upisano na akreditiranu i licenciranu visokoškolsku ustanovu, koje studij pohađa redovno, vanredno, učenjem na daljinu ili kombiniranjem ova tri modela studiranja na način utvrđen statutom visokoškolske ustanove,
- Visokoškolska ustanova** je ustanova koja se bavi djelatnošću visokog obrazovanja u skladu sa zakonom,
- Studentski parlament visokoškolske ustanove** je studentsko izborno predstavničko tijelo koje zastupa interese studenata, organiziranih na visokoškolskim ustanovama Kantona Sarajevo, kao i drugih studentskih organizacija visokoškolskih ustanova koje egzistiraju na području Kantona Sarajevo,
- Udruženje studenata** je udruženje građana osnovano na principu dobrovoljnosti i upisano u propisane evidencije, u skladu sa Zakonom o udruženjima i fondacijama Kantona i ovim zakonom, čije većinsko članstvo čine studenti i čija je djelatnost u vezi sa unapređenjem i ostvarivanjem nekog

zajedničkog ili općeg interesa ili cilja, usmjereno prvenstveno ka zadovoljavanju studentskih potreba u oblasti visokog obrazovanja, nauke, kulture, sporta, zdravlja, ekologije i drugih područja od interesa za članove udruženja,

- Studentski pravobranilac** Studentskog parlamenta visokoškolske ustanove je lice ovlašteno za zastupanje, predstavljanje i zaštitu prava studenata na području Kantona Sarajevo.

##### Član 3.

(Ciljevi)

- Ciljevi studentskog organizovanja su prvenstveno usmjereni na ostvarivanje obrazovnih, nastavnih, naučnih, kulturnih, akademskih i drugih društveno korisnih potreba studenata, a na osnovu demokratskih načela i u skladu sa zakonom.
- Studentske organizacije odnosno studentska predstavnička tijela samostalno utvrđuju svoje ciljeve i djelatnost, u skladu sa Ustavom i zakonom.
- Ciljevi i djelatnost studentskih organizacija ne mogu uključivati angažovanje u kampanji političkih stranaka i kandidata.

##### Član 4.

(Načela)

- Sve oblike studentskog organizovanja karakterišu sljedeća načela:
  - načelo zakonitosti,
  - načelo dobrovoljnosti i
  - načelo javnosti.
- Načelo zakonitosti ogleda se u obavezi svih subjekata uključenih u postupak organizacije, rada i osiguranja uslova za rad da postupaju u skladu sa Ustavom, međunarodnim dokumentima iz oblasti ljudskih prava, zakonom i propisima donesenim na osnovu zakona.
- Načelo dobrovoljnosti se ogleda u pravu studenta da se, samostalno i bez bilo kakvog vida pritiska, odluči za članstvo u nekoj od studentskih organizacija osnovanih na visokoškolskim ustanovama koje su registrovane na području Kantona Sarajevo.
- Načelo javnosti se ogleda u obavezi studentske organizacije da svim zainteresovanim subjektima koji podnesu zahtjev

omogućiti transparentan uvid u akte i rad studentske organizacije.

Član 5.

(Zabrana diskriminacije)

- (1) Pri organizovanju i djelovanju studentskih organizacija zabranjena je svaka diskriminacija studenata prema bilo kojoj stvarnoj ili pretpostavljenoj osnovi suprotnoj Ustavu, zakonima i međunarodnom pravu u odnosu na članstvo i rad u studentskim organizacijama, zaštiti koju uživaju pred studentskim pravobraniocem, u pravu na sudjelovanje u izborima, kao i u odnosu na druga prava predviđena ovim zakonom, kao što su spol, rasa, seksualna orijentacija, fizički ili drugi nedostatak, bračno stanje, boja kože, jezik, vjeroispovijest, političko ili drugo mišljenje, nacionalno, etničko ili socijalno porijeklo, veza s nekom nacionalnom zajednicom, imovina, rođenje ili prema nekom drugom statusu.
- (2) Terminološko korištenje muškog ili ženskog roda u ovom zakonu podrazumijeva uključivanje oba roda.

Član 6.

(Supsidijarna primjena Zakona o udruženjima i fondacijama i Zakona o visokom obrazovanju)

Na osnivanje, rad, statusne promjene i prestanak rada studentskih organizacija primjenjuju se odredbe Zakona o udruženjima i fondacijama ("Službene novine Federacije BiH", broj 45/02) i Zakon o visokom obrazovanju ("Službene novine Kantona Sarajevo", broj 43/08) ukoliko ovim zakonom nije drugačije određeno.

DIO II - OSNIVANJE STUDENTSKIH ORGANIZACIJA

Član 7.

(Osnivanje studentskih organizacija)

- (1) Osnivanje studentskih organizacija se vrši na način utvrđen Zakonom o udruženjima i fondacijama i ovim Zakonom.
- (2) Studentske organizacije se mogu osnivati na akreditiranim i licenciranim visokoškolskim ustanovama upisanim u registar visokoškolskih ustanova koji vodi Ministarstvo obrazovanja i nauke Kantona Sarajevo i njenim članicama odnosno organizacionim jedinicama (fakulteti i akademije).
- (3) Visokoškolske ustanove iz stava (2) ovog člana su Univerzitet ili Visoka škola.
- (4) Studentske organizacije osnivaju se pod jednakim uslovima na način utvrđen zakonom.

Član 8.

(Osnivač studentske organizacije)

- (1) Studentsku organizaciju mogu osnovati najmanje pet studenata koji su u posljednje dvije studijske godine skupili minimalno šezdeset ECTS kredita odnosno pet studenata koji nisu obnovili dva puta jednu godinu studija (studenti koji studiraju po starom nastavnom planu i programu).
- (2) Osnivači studentskih organizacija mogu biti studenti svih ciklusa studija bez obzira na to po kojem nastavnom planu i programu studiraju uz ispunjavanje uslova iz stava (1) ovog člana.
- (3) Studentska organizacija se osniva donošenjem osnivačkog akta.
- (4) Studentska organizacija stiče svojstvo pravnog lica upisom u registar kod Ministarstva pravde i uprave Kantona Sarajevo i u registar kod Ministarstva obrazovanja i nauke (u daljnjem tekstu: Ministarstvo), nakon ispunjavanja svih uslova u skladu sa zakonom.

Član 9.

(Članstvo u studentskim organizacijama)

- (1) Članovi studentskih organizacija na visokoškolskoj ustanovi (univerzitetu, visokoj školi, članicama odnosno

organizacionim jedinicama univerziteta) mogu biti svi studenti, bez obzira na spol, etničku i rasnu pripadnost, materijalni status, godinu studija, status studenta.

- (2) Članstvo u studentskim organizacijama je dobrovoljno.
- (3) Prilikom upisa na studij, kao i na svaku narednu godinu studija, student koji želi biti član studentske organizacije obavezan je uplatiti participaciju (članarinu) na račun studentskog parlamenta matičnog univerziteta, fakulteta/akademija Kantona Sarajevo, u iznosu definiranom statutom Studentskog parlamenta, a koja ne smije prelaziti iznos veći od iznosa utvrđenog na ime osiguranja studenta.
- (4) Uplatom članarine iz stava (3) ovog člana i ispunjavanjem uslova iz člana 8. stav (1) ovog zakona student stiče aktivno biračko pravo da bude biran u organe i tijela studentske organizacije.
- (5) Statutom studentske organizacije utvrđuju se razlozi za prestanak članstva u studentskim organizacijama kao i postupak razrješenja lica u organima i tijelima studentske organizacije u slučaju nastupanja okolnosti za razrješenje.

Član 10.

(Naziv, sjedište i znak studentske organizacije)

- (1) Studentska organizacija ima svoj naziv i sjedište.
- (2) Naziv studentske organizacije mora biti na najmanje jednom od službenih jezika Bosne i Hercegovine.
- (3) Studentska organizacija može, ako je to predviđeno statutom, koristiti naziv preveden na jedan ili više stranih jezika, s tim da naziv na službenom jeziku BiH mora biti upisan na prvom mjestu.
- (4) Uz puni naziv, studentska organizacija može koristiti i skraćeni naziv koji mora sadržavati oznake po kojima se razlikuje od drugih udruženja i studentskih organizacija.
- (5) Studentska organizacija može imati i svoj znak.
- (6) Naziv i znak studentske organizacije mora se jasno razlikovati od naziva i znaka drugih udruženja i studentskih organizacija.
- (7) Sjedište studentske organizacije je na visokoškolskoj ustanovi (univerzitetu, visokoj školi, članicama odnosno organizacionim jedinicama univerziteta) čiji studenti čine većinsko članstvo studentske organizacije.

Član 11.

(Osiguranje prethodnih odobrenja)

U naziv studentskih organizacija ne mogu se unositi sljedeći nazivi:

- a) Bosna i Hercegovina - bez odobrenja nadležnog organa Bosne i Hercegovine,
- b) Federacija - bez odobrenja federalnog organa uprave koji vrši nadzor nad zakonitošću rada udruženja odnosno fondacija,
- c) Kanton Sarajevo - bez odobrenja Ministarstva,
- d) Naziv visokoškolske ustanove (univerziteta, visoke škole, članica odnosno organizacionih jedinica univerziteta) - bez odobrenja nadležnog organa, na način utvrđen statutom visokoškolske ustanove.

Član 12.

(Upis u Registar)

- (1) Studentska organizacija može početi da obavlja djelatnost nakon registracije kod Ministarstva pravde i uprave Kantona Sarajevo i upisa u Registar studentskih organizacija.
- (2) Registar studentskih organizacija u Kantonu Sarajevo vodi Ministarstvo.
- (3) Obrazac prijave za upis u Registar, sadržaj i način vođenja Registra, te uslove za upis i brisanje iz Registra propisuje ministar obrazovanja i nauke Kantona Sarajevo posebnim pravilnikom.

- (4) Pravilnik iz stava (3) ovog člana donijet će se u roku od dva mjeseca od stupanja na snagu Zakona.
- (5) Sadržaj Registra je javan, a Ministarstvo je obavezno izdati potvrdu o upisu u Registar studentskih organizacija najkasnije 30 dana od dana podnošenja prijave.
- (6) Ministarstvo je obavezno najmanje jedanput u toku godine objaviti spisak studentskih organizacija upisanih u Registar na web-stranici ili na drugi javan način, koji će osigurati informisanje svih zainteresiranih subjekata o broju i statusu studentskih organizacija.

### DIO III - OBLICI STUDENTSKOG ORGANIZOVANJA

#### Član 13.

(Oblici studentskog organizovanja)

- (1) Oblici studentskog organizovanja su:
  - a) Unija studenata Kantona Sarajevo,
  - b) Studentski parlamenti visokoškolskih ustanova na području Kantona Sarajevo,
  - c) Studentska vijeća članica odnosno organizacionih jedinica visokoškolskih ustanova.
- (2) Na visokoškolskim ustanovama studenti mogu osnovati i druge studentske organizacije čija je djelatnost zaštita prava i interesa studenata, poboljšanje uvjeta studiranja i druga djelatnost u vezi sa statusom studenta.

#### Član 14.

(Članstvo u asocijacijama)

Studentske organizacije iz člana 13. ovog Zakona mogu se uključiti odnosno učlaniti u asocijaciju studentskih predstavničkih tijela u Bosni i Hercegovini, posredstvom kojih se ostvaruje članstvo u međunarodnim organizacijama i asocijacijama studenata.

### POGLAVLJE I - UNIJA STUDENATA

#### Član 15.

(Osnivanje Unije)

- (1) Unija studenata Kantona Sarajevo (u daljnjem tekstu: Unija) je asocijacija studentskih parlamenata organizovanih na visokoškolskim ustanovama na području Kantona Sarajevo koja usklađuje njihov rad u zajedničkim programima, raspravlja o pitanjima od zajedničkog interesa za studente, te rukovodi aktivnostima u međunarodnoj saradnji.
- (2) Skupština studentskog parlamenta visokoškolske ustanove donosi odluku o pristupanju Uniji, a status člana Unije se stiče nakon ispunjavanja svih uslova utvrđenih statutom Unije i nakon što skupština Unije prihvati njihovu kandidaturu za člana.
- (3) Sjedište Unije je na visokoškolskoj ustanovi čiji studenti čine većinsko članstvo Unije, odnosno tamo gdje o tome odluče organi Unije.

#### Član 16.

(Statut Unije)

- (1) Najviši akt Unije je statut.
- (2) Statut unije donosi skupština Unije
- (3) Statutom Unije propisuje se:
  - a) način rada Unije,
  - b) organi i stručna tijela Unije,
  - c) sastav, način izbora i nadležnost organa i stručnih tijela Unije,
  - d) način izbora predstavnika studenata u organe i stručna tijela Unije,
  - e) odgovornost članova organa i stručnih tijela Unije u slučaju neispunjavanja povjerenih poslova koji su u vezi sa nadležnostima Unije,
  - f) način sticanja i prestanak statusa članice Unije,
  - g) ostala pitanja bitna za rad Unije.

- (4) Statut Unije mora biti usklađen sa Zakonom.
- (5) Nakon usvajanja statuta od strane skupštine, predsjednik dostavlja statut Ministarstvu s ciljem pribavljanja rješenja o usklađenosti statuta sa Zakonom.
- (6) Ministarstvo je obavezno, u roku od 60 dana od prijema statuta, obavijestiti Uniju o njegovoj usklađenosti sa Zakonom, a ukoliko se Ministarstvo u ovom roku ne očituje, smatrat će se da je statut usklađen sa Zakonom.
- (7) Ministarstvo će obrazložiti svoje rješenje i dati upute za otklanjanje nedostataka ukoliko utvrdi neusklađenosti i odbije donijeti rješenje o usklađenosti statuta sa Zakonom.
- (8) Postupak iz stava (4) ovog člana provodi se i u slučaju izmjena i dopuna statuta.

#### Član 17.

(Nadležnosti Unije)

- (1) U okviru svojih nadležnosti Unija:
  - a) usklađuje rad studentskih parlamenata visokoškolskih ustanova i drugih studentskih organizacija,
  - b) predstavlja i zastupa studente pred organima vlasti i drugim subjektima,
  - c) prati i unapređuje interese studenata na nivou Kantona Sarajevo,
  - d) učestvuje u izradi propisa o studentima i prati njihovu primjenu,
  - e) brine o uslovima u kojima djeluju studentski parlamenti visokoškolskih ustanova i druge studentske organizacije,
  - f) imenuje predstavnike studenata u međunarodne studentske organizacije i druge organizacije u kojima učestvuju predstavnici studenata Unije,
  - g) organizuje i učestvuje u organizaciji i finansiranju domaćih i međunarodnih projekata čiji je cilj poboljšanje opšteg položaja studenata i zaštita njihovih interesa na lokalnom, regionalnom, državnom i međunarodnom nivou,
  - h) obavlja druge poslove od interesa za studente.
- (2) Ministarstvo je obavezno obezbijediti učešće predstavnika Unije u postupku pripreme propisa koji se odnose na prava i interese studenata.

#### Član 18.

(Organi Unije)

- (1) Organi Unije su:
  - a) skupština,
  - b) izvršni odbor,
  - c) predsjednik.
- (2) Stručna tijela Unije su:
  - a) komisija za međunarodnu saradnju,
  - b) komisija za implementaciju Bolonjske deklaracije,
  - c) komisija za studentski standard,
  - d) komisija za sport, kulturu i umjetnost.
- (3) Unija može formirati i druga stalna i povremena tijela za obavljanje poslova iz svoje nadležnosti.
- (4) Administrativno-tehničke poslove za Uniju obavlja sekretar Unije, u skladu sa statutom Unije.
- (5) Unija donosi statut i poslovnik o svome radu.
- (6) Statut Unije stupa na snagu nakon što ga glasanjem potvrdi 2/3 članova Skupštine - Unije i nakon što Ministarstvo donese Rješenje o usklađenosti statuta sa zakonom na način utvrđen u članu 16. ovog Zakona.
- (7) Poslovnik o radu Unije stupa na snagu nakon njegovog usvajanja od strane natpolovične većine članova skupštine Unije.

Član 19.  
(Skupština Unije)

- (1) Skupština Unije je najviši organ Unije sastavljen od predstavnika studentskih parlamenata visokoškolskih ustanova.
- (2) Sjednicu skupštine Unije saziva predsjednik ili drugi statutom ovlašteni organ na način utvrđen statutom odnosno poslovníkom Unije.
- (3) Studentski parlamenti visokoškolske ustanove, kao članice Unije, nakon provedenih izbora imenuju svoje predstavnike u skupštinu Unije i to pa principu da se za svaku članicu odnosno organizacionu jedinicu visokoškolske ustanove (fakultet/akademija) bira najmanje po jedan predstavnik.
- (4) Mandat članova skupštine Unije traje dvije studijske godine i može se jednom ponoviti.
- (5) Mandat člana skupštine prestaje:
  - a) prestankom statusa studenta,
  - b) danom podnošenja ostavke,
  - c) ako student-član u posljednje dvije godine studija nije sakupio minimalno 60 ECTS bodova, odnosno ako drugi put obnavlja godinu studija (studenti koji studiraju po starom nastavnom planu i programu),
  - d) ukoliko usljed objektivnih okolnosti, nije u mogućnosti obavljati dužnost,
  - e) u ostalim slučajevima predviđenim statutom Unije.
- (6) U slučaju prestanka mandata člana skupštine Unije, na jedan od načina iz stava (4) ovog člana, zamjenjuje ga sljedeći kandidat za studentskog predstavnika sa izborne liste studentskog parlamenta koji ga je imenovao u skupštinu Unije, a ako to nije moguće, vijeće studentskog parlamenta pri članici odnosno organizacionoj jedinici visokoškolske ustanove na kojoj djeluje studentski parlament delegirat će zamjenskog predstavnika u skupštinu Unije. Mandat tako izabranog člana prati mandat člana umjesto kojeg je izabran.
- (7) Statutom Unije preciznije se uređuju sva pitanja koja su u vezi sa organizacijom i radom Unije.
- (8) Skupština Unije:
  - a) donosi statut i poslovnik o svome radu,
  - b) donosi druge akte određene statutom Unije,
  - c) stara se o zakonitom obavljanju poslova iz nadležnosti Unije,
  - d) razmatra i usvaja izvještaj o poslovanju i godišnji obračun,
  - e) bira i razrješava predsjednika, članove Izvršnog odbora i predsjednike stručnih tijela Unije,
  - f) usvaja godišnji program rada i finansijski plan Unije,
  - g) obavlja druge poslove u skladu sa statutom Unije.

Član 20.  
(Izvršni odbor Unije)

- (1) Izvršni odbor je izvršni organ Unije.
- (2) Izvršni odbor čine predsjednik, zamjenik predsjednika, sekretar i predsjednici stručnih tijela Unije (komisije).
- (3) Izvršni odbor u okviru svoje nadležnosti:
  - a) rukovodi radom Unije u periodu između dva zasjedanja skupštine Unije;
  - b) izvršava odluke skupštine;
  - c) inicira formiranje stalnih i povremenih tijela za obavljanje poslova Unije;
  - d) podnosi izvještaj o svome radu skupštini;
  - e) inicira vanredno zasjedanje skupštine;
  - f) izrađuje finansijski plan;
  - g) obavlja druge poslove u skladu sa opštim aktom Unije.

Član 21.  
(Predsjednik Unije)

- (1) Predsjednika Unije biraju članovi Skupštine na konstituirajućoj sjednici, iz reda članova Skupštine.

- (2) Predsjednik Unije izabran je kada za njega glasa natpolovična većina prisutnih članova Skupštine.
- (3) Predsjednik Unije ne može biti lice osuđivano za krivično djelo, privredni prestup ili prekršaj.
- (4) Predsjednik Unije predstavlja i zastupa Uniju, koordinira njen rad i obavlja druge poslove u skladu sa opštim aktom Unije.
- (5) Predsjednik Unije bira se na period od dvije studijske godine, bez mogućnosti ponovnog izbora.
- (6) Predsjednik Unije ima zamjenika koji obavlja poslove u skladu sa opštim aktom Unije. Trajanje mandata zamjenika predsjednika Unije je u direktnoj vezi sa trajanjem mandata predsjednika Unije.
- (7) Za svoj rad predsjednik Unije odgovoran je skupštini Unije.
- (8) Statutom Unije preciznije će se urediti postupak prijevremenog razrješavanja predsjednika Unije kao i osnov za razrješavanje.

Član 22.

- (Prava predsjednika, zamjenika predsjednika i sekretara Unije)
- (1) Predsjednik, zamjenik predsjednika i sekretar Unije imaju pravo na naknadu za njihov rad. Visina naknade određena je opštim aktom Unije.
  - (2) Predsjednik, zamjenik predsjednika i sekretar Unije imaju pravo na mirovanje prava i obaveza koje proizilaze iz statusa studenta, u periodu od godinu dana od dana stupanja na funkciju, a što se preciznije uređuje statutom visokoškolske ustanove.
  - (3) Statutom Unije preciznije se uređuje način rada organa upravljanja.

Član 23.

(Izbor sekretara unije)

- (1) Sekretara Unije bira Skupština Unije, na prijedlog predsjednika Unije.
- (2) Sekretar Unije bira se na period od dvije studijske godine, natpolovičnom većinom prisutnih članova Skupštine Unije.
- (3) Trajanje mandata sekretara Unije je u vezi sa trajanjem mandata predsjednika Unije.
- (4) Na sekretara Unije primjenjuje se odredba iz člana 22. stav (3) ovog Zakona.

Član 24.

(Stručna tijela Unije)

- (1) Komisije su stručna tijela Unije koja se obrazuju u skladu sa ovim Zakonom i obavljaju poslove iz svoje nadležnosti propisane opštim aktom Unije.
- (2) Predsjednika komisije bira Skupština Unije natpolovičnom većinom prisutnih članova iz reda svojih članova, na prijedlog predsjednika Unije ili na inicijativu najmanje 1/4 članova skupštine.
- (3) Članovi komisije mogu biti studenti koji ispunjavaju uslove iz člana 8. stav (1) ovog Zakona.

POGLAVLJE II - STUDENTSKI PARLAMENT

Član 25.

(Osnivanje studentskog parlamenta visokoškolske ustanove)

- (1) Studentski parlament visokoškolske ustanove (u daljnjem tekstu: SPVU-e) uspostavlja se i obavlja djelatnost na način predviđen ovim Zakonom, općim aktom visokoškolske ustanove i statutom SPVU-e.
- (2) SPVU-e uspostavlja se na visokoškolskoj ustanovi i ima sjedište u mjestu u kojem je sjedište visokoškolske ustanove.
- (3) Na univerzitetu koji ima članice odnosno organizacione jedinice (fakultete/akademije) studentski parlament može imati studentska vijeća organizacionih jedinica SPVU-e.

Član 26.  
(Statut SPVU-e)

- (1) Najviši akt SPVU-e je statut.
- (2) Statut SPVU-e donosi skupština SPVU-e.
- (3) Statutom SPVU-e propisuje se:
  - a) način rada SPVU-e,
  - b) organi i stručna tijela SPVU-e,
  - c) sastav, način izbora i nadležnost organa i stručnih tijela SPVU-e,
  - d) način imenovanja studentskog pravobranioaca,
  - e) način izbora predstavnika studenata u organe i stručna tijela SPVU-e,
  - f) odgovornost članova organa i stručnih tijela SPVU-e u slučaju neispunjavanja povjerenih poslova koji su u vezi sa nadležnostima SPVU-e,
  - g) način sticanja i prestanak statusa članice SPVU-e,
  - h) način izbora studentskih predstavnika u Upravni odbor, Senat i druge organe i tijela visokoškolske ustanove,
  - i) način izbora predstavnika studenata u organizacije, ustanove i tijela čiji je osnivač visokoškolska ustanova i
  - j) ostala pitanja bitna za rad SPVU-e.
- (4) Statut SPVU-e mora biti usklađen sa Zakonom.
- (5) Nakon usvajanja statuta od strane skupštine, predsjednik dostavlja statut Ministarstvu s ciljem pribavljanja rješenja o usklađenosti statuta sa Zakonom.
- (6) Ministarstvo je obavezno, u roku od 60 dana od prijema statuta, obavijestiti SPVU-e o njegovoj usklađenosti sa Zakonom, a ukoliko se Ministarstvo u ovom roku ne očituje, smatrat će se da je statut usklađen sa Zakonom.
- (7) Ministarstvo će obrazložiti svoje rješenje i dati upute za otklanjanje nedostataka ukoliko utvrdi neusklađenosti i odbije donijeti rješenje o usklađenosti statuta sa Zakonom.
- (8) Postupak iz stava (4) ovog člana provodi se i u slučaju izmjena i dopuna statuta.

Član 27.  
(Nadležnosti SPVU-e)

SPVU-e ima sljedeće nadležnosti:

- a) bira studentske predstavnike u Upravni odbor, Senat i druge organe i tijela visokoškolske ustanove,
- b) bira predstavnike studenata u organizacije, ustanove i tijela čiji je osnivač visokoškolska ustanova,
- c) donosi plan i program rada SPVU-a,
- d) brine o pravima i interesima studenata, o kvalitetu nastavnog procesa, studentskom standardu, ostvarivanju studentskih prava i drugim pitanjima važnim za studente visokoškolske ustanove,
- e) predlaže nadležnim organima visokoškolske ustanove plan finansiranja studentskih aktivnosti,
- f) podstiče i koordinira vannastavne aktivnosti studenata,
- g) donosi opšte akte SPVU-a,
- h) imenuje predstavnike u skupštinu Unije studenata Kantona Sarajevo,
- i) organizuje i učestvuje u organizaciji i finansiranju domaćih i međunarodnih projekata čiji je cilj poboljšanje opšteg položaja studenata i zaštita njihovih interesa na lokalnom, regionalnom, državnom i međunarodnom nivou,
- j) obavlja druge poslove od interesa za studente visokoškolske ustanove, u skladu sa ovim Zakonom, statutom visokoškolske ustanove i statutom SPVU-e.

Član 28.  
(Organi i stručna tijela SPVU-e)

- (1) Organi SPVU-e su:
  - a) skupština,
  - b) izvršni odbor,
  - c) predsjednik.

- (2) SPVU obrazuje povremena i stalna stručna tijela (komisije) za pojedine oblasti svog djelovanja.
- (3) Nadležnost, broj, sastav, trajanje mandata i način obrazovanja stručnih tijela iz stava (2) ovog člana uređuju se statutom SPVU-a.

Član 29.  
(Skupština SPVU-e)

- (1) Skupština je najviši organ SPVU-e, kojeg čine od jednog do tri predstavnika svake organizacione jedinice u sastavu visokoškolske ustanove, izabrani na tajnim, neposrednim izborima, između kandidata predloženih na izbornim listama organizacionih jedinica prema kvotama predstavnika koje se uređuju statutom.
- (2) Članovi skupštine SPVU-e koji su predstavnici organizacione jedinice visokoškolske ustanove obavezno su i članovi Skupštine vijeća studentskog parlamenta te organizacione jedinice.
- (3) Sjednicu skupštine SPVU-e saziva predsjednik ili drugi statutom ovlašteni organ na način utvrđen statutom SPVU-e.
- (4) Statutom Unije preciznije se uređuju sva pitanja koja su u vezi sa organizacijom i radom Unije.

Skupština SPVU-e:

  - a) donosi statut i poslovnik o svome radu,
  - b) donosi druge akte u skladu sa statutom SPVU-e,
  - c) stara se o zakonitom obavljanju poslova SPVU-e,
  - d) razmatra i usvaja izvještaj o radu i program rada,
  - e) bira i razrješava predsjednika, zamjenika predsjednika i članove Izvršnog odbora,
  - f) bira studentske predstavnike u Upravni odbor, Senat i druge organe i tijela visokoškolske ustanove,
  - g) bira predstavnike SPVU-e u skupštinu Unije,
  - h) bira predstavnike studenata u organizacije, ustanove i tijela čiji je osnivač visokoškolska ustanova, usvaja godišnji program rada i finansijski plan SPVU-e,
  - i) obavlja druge poslove u skladu sa opštim aktom SPVU-e.

Član 30.  
(Izvršni odbor SPVU-e)

- (1) Izvršni odbor je izvršni organ SPVU-e.
- (2) Izvršni odbor čine predsjednik, zamjenik predsjednika, sekretar i predsjednici stručnih tijela.
- (3) Izvršni odbor u okviru svoje nadležnosti:
  - a) rukovodi radom SPVU-e u periodu između dva zasjedanja skupštine;
  - b) izvršava odluke skupštine;
  - c) inicira formiranje stručnih tijela za obavljanje poslova iz nadležnosti SPVU-e;
  - d) podnosi izvještaj o svome radu skupštini;
  - e) inicira vanredno zasjedanje skupštine;
  - f) izrađuje finansijski plan SPVU-e;
  - g) obavlja druge poslove u skladu sa opštim aktom SPVU-e.

Član 31.  
(Predsjednik SPVU-e)

- (1) Predsjednika SPVU-e biraju članovi Skupštine na konstituirajućoj sjednici iz reda članova skupštine.
- (2) Predsjednik SPVU-a je onaj kandidat za kojeg je glasala natpolovična većina prisutnih članova skupštine.
- (3) Predsjednik SPVU-e ne može biti lice osuđivano za krivično djelo, privredni prestup ili prekršaj.
- (4) Predsjednik SPVU-e predstavlja i zastupa studentsko predstavničko tijelo, koordinira njegovim radom i obavlja druge poslove predviđene opštim aktima visokoškolske ustanove i statutom SPVU-e.

- (5) Zamjenika predsjednika bira skupština SPVU-e u postupku predviđenom za izbor predsjednika, na prijedlog predsjednika.
- (6) Zamjenik predsjednika obavlja poslove iz nadležnosti predsjednika u slučaju njegove spriječenosti za obavljanje istih ili po njegovom ovlaštenju.
- (7) Predsjednik i zamjenik biraju se na period od jedne studijske godine, sa mogućnošću jednog ponovnog izbora.
- (8) Za svoj rad predsjednik SPVU-e odgovoran je skupštini SPVU-e.
- (9) Statutom SPVU-e preciznije će se urediti postupak prijevremenog razrješenja predsjednika SPVU-e kao i osnov za razrješenje.

Član 32.

(Prava predsjednika, zamjenika predsjednika i sekretara SPVU-e)

- (1) Predsjednik, zamjenik predsjednika i sekretar SPVU-e imaju pravo na naknadu za njihov rad. Visina naknade određena je opštim aktom SPVU-e.
- (2) Predsjednik, zamjenik predsjednika i sekretar SPVU-e imaju pravo na mirovanje prava i obaveza koje proizilaze iz statusa studenta, u periodu od godinu dana od dana stupanja na funkciju a što se preciznije uređuje statutom visokoškolske ustanove.
- (3) Statutom SPVU-e preciznije se uređuje način rada organa upravljanja.

Član 33.

(Izbor sekretara SPVU-e)

- (1) Sekretara SPVU-e bira Skupština SPVU-e, na prijedlog predsjednika SPVU-e.
- (2) Sekretar SPVU-e bira se na period od jedne studijske godine, natpolovičnom većinom prisutnih članova Skupštine SPVU-e.
- (3) Trajanje mandata sekretara SPVU-e je u direktnoj vezi sa trajanjem mandata predsjednika SPVU-e.
- (4) Na sekretara SPVU-e primjenjuje se odredba iz člana 32. stav (3) ovog Zakona.

Član 34.

(Stručna tijela SPVU-e)

- (1) Komisije su stručna tijela SPVU-e koja se obrazuju u skladu sa ovim zakonom i obavljaju poslove iz svoje nadležnosti propisane opštim aktom SPVU-e.
- (2) Predsjednika komisije bira Skupština SPVU-e natpolovičnom većinom prisutnih članova iz reda svojih članova, na prijedlog predsjednika SPVU-e ili na inicijativu najmanje 1/4 članova skupštine.
- (3) Članovi komisije mogu biti studenti koji ispunjavaju uslove iz člana 8. stav (1) ovog Zakona.

Član 35.

(Mandat članova organa i stručnih tijela SPVU-e)

- (1) Mandat članova SPVU-a traje godinu dana.
- (2) Status člana SPVU-a prestaje:
  - a) prestankom statusa studenta;
  - b) danom podnošenja ostavke;
  - c) ako student-član u posljednje dvije godine studija nije sakupio minimalno 60 ECTS bodova, odnosno ako drugi put obnavlja godinu studija (studenti koji studiraju po starom nastavnom planu i programu),
  - d) ukoliko, usljed objektivnih okolnosti, nije u mogućnosti obavljati dužnost,
  - e) u ostalim slučajevima predviđenima statutom SPVU-e.
- (3) U slučaju prestanka mandata člana u organima i stručnim tijelima SPVU-e prije isteka vremena na koje je izabran,

zamjenjuje ga sljedeći kandidat za studentskog predstavnika sa izborne liste vijeća organizacione jedinice studentskog parlamenta koji ga je imenovao u skupštinu SPVU-e, a ako to nije moguće, vijeće organizacione jedinice studentskog parlamenta pri članici odnosno organizacionoj jedinici visokoškolske ustanove (fakultet ili akademija) na kojoj djeluje studentski parlament delegirat će zamjenskog predstavnika u skupštinu SPVU-e. Mandat tako izabranog člana prati mandat člana umjesto kojeg je izabran.

Član 36.

(Studentski pravobranilac)

- (1) SPVU-e ima studentskog pravobranioca kojeg imenuje skupština na period od jedne školske godine, u skladu sa statutom studentskog parlamenta. Mandat studentskog pravobranioca može se jednom ponoviti.
- (2) Za studentskog pravobranioca može biti imenovan student koji ispunjava uslove iz člana 9. stav (4) ovog zakona, te da je studentski pravobranilac po pravilu student Pravnog fakulteta sa minimalnom prosječnom ocjenom 8.
- (3) Studentski pravobranilac:
  - a) prima prigovore studenata koji se odnose na njihova prava i raspravlja o njima s nadležnim organima visokoškolske ustanove,
  - b) savjetuje studente o načinu ostvarivanja njihovih prava,
  - c) može sudjelovati u disciplinskim postupcima protiv studenata radi zaštite njihovih prava,
  - d) obavlja druge poslove utvrđene općim aktom visokoškolske ustanove.

POGLAVLJE III - STUDENTSKA VIJEĆA SPVU-a

Član 37.

(Uspostava vijeća SPVU-e)

- (1) Studentska vijeća SPVU-e uspostavljaju se na članicama odnosno organizacionim jedinicama (fakulteti/akademije) u sastavu visokoškolskih ustanova.
- (2) Studentska vijeća SPVU-e obavljaju djelatnost na nivou organizacione jedinice na kojoj su osnovani, u skladu sa opštim aktima visokoškolske ustanove, organizacione jedinice i svojim općim aktom.

Član 38.

(Organi i stručna tijela vijeća SPVU-e)

- (1) Skupština je najviši organ studentskog vijeća SPVU-e kojeg čine predstavnici studenata sa svake studijske godine koji su izabrani na tajnim, neposrednim izborima, između kandidata predloženih na izbornoj listi.
- (2) U postupku izbora članova skupštine studentskog vijeća SPVU-e nastojat će se osigurati proporcionalna zastupljenost studenata sa svih organizacionih jedinica unutar fakulteta odnosno akademija (odsjek, katedra, studijski program).
- (3) Nadležnost, broj, sastav, trajanje mandata i način obrazovanja skupštine i drugih organa studentskog vijeća uređuje se opštim aktom studentskog vijeća koji mora biti usklađen sa Statutom SPVU-e.

POGLAVLJE IV - ORGANIZACIJA IZBORA U STUDENTSKIM ORGANIZACIJAMA

Član 39.

(Biračko pravo)

- (1) Pravo da biraju i budu birani za članove studentskih organizacija imaju svi studenti u Kantonu Sarajevo, u skladu sa ovim Zakonom.
- (2) Za članstvo u studentskoj organizaciji ne može se kandidovati student koji ne ispunjava uslove iz čl. 8. i 9. ovog Zakona.

Član 40.  
(Organizacija izbora)

- (1) Izbori za studentske organizacije održavaju se, u pravilu između 15. i 30. aprila u tekućoj akademskoj godini.
- (2) Izbore za SPVU-e i studentsko vijeće SPVU-e raspisuje predsjednik ovih studentskih organizacija.
- (3) Izborna komisija obrazuje se od strane skupštine SPVU-e, odnosno studentskog vijeća SPVU-e.
- (4) Kandidature se podnose izbornoj komisiji najkasnije deset dana prije održavanja izbora, a objavljuju se najmanje sedam dana prije održavanja izbora.
- (5) Izborna komisija ima pet članova iz reda studenata visokoškolske ustanove, odnosno organizacione jedinice na kojoj se provode izbori. Izborna komisija imenuje biračke odbore i utvrđuje popis birača.
- (6) Članovi biračkih odbora, kandidati na izborima i članovi SPVU-e, odnosno studentskog vijeća SPVU-e s važećim mandatom ne mogu istovremeno biti i članovi izborne komisije.
- (7) Kandidati na izbornim listama imaju pravo prigovora na tok i rezultate izbornog postupka na način i u rokovima definisanim aktom SPVU-e iz člana 42. ovog Zakona.

Član 41.  
(Organizacija izbora za Uniju studenata)

- (1) Izbore za Uniju raspisuje predsjednik Unije, na način utvrđen statutom Unije, najkasnije 30 dana od dana održavanja konstituirajućih sjednica skupština studentskih parlamenata.
- (2) Konstituirajuća sjednica skupštine Unije održava se u roku od 60 dana od dana održavanja konstituirajućih sjednica skupština studentskih parlamenata.

Član 42.  
(Akt o izbornom proceduri)

Posebnim aktom studentskih organizacija preciznije se uređuje izborna procedura, a naročito:

- a) način predlaganja i utvrđivanja kandidata;
- b) način održavanja izbora;
- c) vođenje biračkog spiska;
- d) uslovi za validnost kandidatura;
- e) mjesto i vrijeme izbora;
- f) trajanje glasanja koje ne može biti kraće od 12 sati;
- g) tajnost glasanja;
- h) način provjere identiteta kandidata, birača i drugih osoba koje učestvuju u izbornom postupku;
- i) učešće posmatrača;
- j) način postupanja za slučaj jednakog broja glasova pojedinih kandidata;
- k) prigovor na tok i rezultate izborne procedure.

DIO IV - FINANSIRANJE RADA STUDENTSKIH ORGANIZACIJA

Član 43.  
(Finansiranje studentskih organizacija)

Studentske organizacije se finansiraju iz sljedećih izvora:

- a) iz sopstvenih prihoda,
- b) od poklona, donacija i zavještanja,
- c) iz članarina i
- d) iz drugih izvora u skladu zakonom, općim aktima visokoškolske ustanove, odnosno organizacione jedinice i svojim općim aktima.

Član 44.  
(Finansijske i druge obaveze visokoškolske ustanove)

- (1) Visokoškolske ustanove Kantona Sarajevo u skladu sa ovim Zakonom su obavezne osigurati prostor za rad SPVU-e, u sjedištu visokoškolske ustanove, minimalne površine od

šesnaest metara kvadratnih i sufinansirati njihovu djelatnost, te im pružati administrativno-tehničku pomoć u smislu podmirenja materijalnih troškova za rad kancelarije studentskog parlamenta, što uključuje: troškove električne energije, vode, grijanja, interneta i telefonskih usluga, do maksimalnog iznosa od 250 KM mjesečno.

- (2) Članice odnosno organizacione jedinice visokoškolske ustanove (fakulteti/akademije) su obavezne osigurati prostor za rad vijeća SPVU-e, u sjedištu visokoškolske ustanove, minimalne površine od šesnaest metara kvadratnih i sufinansirati njihovu djelatnost, te pružati im administrativno-tehničku pomoć u smislu podmirenja materijalnih troškova za rad kancelarije studentskog parlamenta, što uključuje: troškove električne energije, vode, grijanja, interneta i telefonskih usluga, do maksimalnog iznosa od 250 KM mjesečno.
- (3) Sredstva iz st. (1) i (2) ovog člana visokoškolske ustanove osiguravaju od dijela sredstava koje uplaćuju studenata na ime školarine i drugih obaveza studenta u skladu sa Zakonom o visokom obrazovanju Kantona Sarajevo ("Službene novine Kantona Sarajevo", broj 43/08).
- (4) Visokoškolska ustanova odnosno organizacione jedinice visokoškolske ustanove iz stava (2) ovog člana zaključuju ugovor sa studentskim organizacijama iz st. (1) i (2) kojim se definišu međusobna prava i obaveze.
- (5) Visokoškolska ustanova je obavezna voditi evidenciju studentskih organizacija koje obavljaju djelatnost na toj visokoškolskoj ustanovi.
- (6) Organi visokoškolskih ustanova su obavezni osigurati predušlove za zakonit rad studentskog parlamenta i drugih studentskih organizacija koje djeluju na visokoškolskoj ustanovi, te osigurati zakonito i pravovremeno provođenje studentskih izbora.
- (7) Obaveze visokoškolske ustanove iz ovog člana preciznije se uređuju Statutom visokoškolske ustanove.

Član 45.  
(Finansijske i druge obaveze Ministarstva)

- (1) Ministarstvo je obavezno osigurati materijalne, prostorne i druge pretpostavke za rad Unije studenata Kantona Sarajevo na način iz člana 43. st. (1) i (4) ovog Zakona kao i sredstva za članstvo u asocijacijama navedenim u članu 14. ovog zakona.
- (2) Obaveza Ministarstva je da u Budžetu Kantona Sarajevo, na poziciji Ministarstva planira i osigura sredstva za finansiranje programa i projekata studentskih organizacija.
- (3) Sredstava se dodjeljuju svake budžetske godine studentskim organizacijama na osnovu javnog poziva kojeg oglašava Ministarstvo na web-stranici Ministarstva i u najmanje, jednom dnevnom listu.
- (4) Odluku o načinu i kriterijima za dodjelu sredstava iz stava (2) ovog člana donosi Vlada Kantona Sarajevo na prijedlog Ministarstva u roku od tri mjeseca od stupanja na snagu ovog Zakona.

DIO V - NADZOR NAD OBAVLJANJEM DJELATNOSTI STUDENTSKIH ORGANIZACIJA I KAZNE NE ODREDBE

Član 46.  
(Nadzor)

- (1) Rad studentskih organizacija je javan.
- (2) Nadzor nad obavljanjem djelatnosti i raspolaganjem finansijskim sredstvima Unije vrši Vlada Kantona Sarajevo, putem nadležnog Ministarstva.
- (3) Nadzor nad obavljanjem djelatnosti i raspolaganjem finansijskim sredstvima SPVU-e vrši Upravni odbor

visokoškolske ustanove, u skladu sa opštim aktom visokoškolske ustanove.

- (4) Unija i studentska predstavnička tijela visokoškolskih ustanova obavezni su svakih šest mjeseci dostavljati izvještaje o finansijskom poslovanju organima koji vrše nadzor nad njihovim radom.

Član 47.

- (1) Novčanom kaznom od 1.000,00 KM do 5.000,00 KM kaznit će se za prekršaj studentska organizacija ako:
- obavlja djelatnost suprotno odredbama ovog zakona,
  - obavlja djelatnost, a nije upisana u Registar studentskih organizacija,
  - raspolaze finansijskim sredstvima za rad suprotno odredbama zakona,
  - stiče sredstva za rad suprotno odredbi člana 43. ovog Zakona.
  - organizuje izbore za studentsku organizaciju suprotno odredbama ovog Zakona.
- (2) Za prekršaj iz tačke c) i d) ovog člana kaznit će se predsjednik studentske organizacije novčanom kaznom od 300,00 KM do 1.000,00 KM.

DIO VI - PRELAZNE I ZAVRŠNE ODREDBE

Član 48.

(Postojeće studentske organizacije)

- (1) Studentske organizacije formirane u skladu sa Zakonom o udruženjima i fondacijama ("Službene novine Federacije BiH", broj 45/02) i općim aktima visokoškolskih ustanova nastavljaju s radom do isteka trajanja mandata, odnosno do izbora studentskih organizacija u skladu sa odredbama ovog Zakona.
- (2) Studentski predstavnici u Senatu i Upravnom odboru visokoškolskih ustanova nastavljaju svoj rad do isteka trajanja mandata, odnosno do izbora studentskih predstavnika u skladu sa odredbama ovog Zakona.

Član 49.

(Usklađivanje akata i organizacije postojećih studentskih organizacija)

- (1) Studentske organizacije su obavezne svoje akte i organizaciju uskladiti s ovim zakonom u roku od 90 dana od dana stupanja na snagu ovoga Zakona.
- (2) Visokoškolske ustanove obavezne su uskladiti svoje statute i druge akte s ovim zakonom u roku od 90 dana od dana stupanja na snagu ovoga Zakona.
- (3) Prvi izbori za studentske organizacije u skladu sa ovim Zakonom sprovede se do isteka trajanja mandata studentskih predstavničkih tijela čiji je mandat u toku u vrijeme stupanja na snagu ovog Zakona.
- (4) Aktivni članovi u studentskim organizacijama koji studiraju po starom nastavnom planu i programu mogu biti oni studenti koji nisu navršili 27 godina života.

Član 50.

(Stupanje na snagu)

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-11472/10  
4. maja 2010. godine  
Sarajevo

Predsjedavajući  
Skupštine Kantona Sarajevo  
Dr. Denis Zvizdić, s. r.

Na osnovu člana 13. tačka c) i člana 18 tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), člana 30. Zakona o zaštiti prirode ("Službene novine Federacije BiH", broj 33/03), Skupština Kantona Sarajevo, na sjednici održanoj 4. maja 2010. godine, donijela je

ZAKON

O PROGLAŠENJU ŠIREG PODRUČJA VODOPADA  
"SKAKAVAC" SPOMENIKOM PRIRODE

POGLAVLJE I. OPĆE ODREDBE

Član 1.

(Predmet Zakona)

Ovim Zakonom proglašava se šire područje vodopada "Skakavac" Spomenikom prirode, utvrđuju granice obuhvata, kategorija zaštićenog područja, zoniranje prostora, mjere zaštite, intervencije u zaštićenom području, razvojne smjernice, upravljanje i kaznene mjere.

Član 2.

(Zaštićeno područje)

Područje vodopada "Skakavac" koje se nalazi u istočnom dijelu Centralne Bosne, a sjeverno i sjeveroistočno od Sarajevsko-zeničkog bazena i Sarajevske kotline, omeđeno sa sjeverne, istočne i južne strane višim reljefom (Bukovik 1532 m, Rašljevo brdo 1492 m na jugoistoku, Vanjske stijene 1401 m na istoku, Stojne stijene sa Nebešinom 1410 m na sjeveru, te Uževice na zapadu 1393 m), proglašava se Spomenikom prirode.

POGLAVLJE II. GRANICE OBUHVATA

Član 3.

(Granice obuhvata)

Granica obuhvata Spomenika prirode polazi od trigonometra Kozo kota 1256, ide na sjeveroistok do raskršća u tačku sa koordinatama (y-6 535 886, x-4868 914), potom nastavlja putem iznad Jasikovca do raskršća (y-6 536 239, x-4 869 0999), dalje u blagom luku ide do potoka (y-6 536 969, x-4 869 273), zatim u pravoj liniji prelazi preko kote (Nebešina) 1418 do puta, tu se lomi, skreće na jugo-istok, presijeca potok Sušicu i dolazi do tačke sa koordinatama (y-6 538 366, x-4 868 701), opet se granica lomi na jugo-istok do tačke (y-6 538 589, x-4 686 321), te skreće na jugo-zapad do kote 1247 (y-6 538 224, x-4 868 005), zatim dolazi na Perački potok (y-6 538 085, x-4 867 394), nastavlja uzvodno potokom do kote 924. Tu se granica lomi, ide na jugo-zapad kosom, pa krivudavim šumskim putem presijeca kolski put u izgradnji i dolazi do kote 1494 (Vratolom). Zatim skreće na zapad, prolazi sjeverno od planinarskog doma i dolazi do kote 1534 (Bukovik). Odatle granica ide kosom na sjevero-zapad do tačke sa koordinatama (y-6 535 954, x-4 865 989), nastavlja dalje prema jugo-zapadu u dužini od oko 230 m, skreće na kotu 1401 (sjevero-istočno od kote 1387 Uževice). Tu se granica lomi, ide na sjevero-zapad kosom kroz šumu i do kraja šume u tačku sa koordinatama (y-6 534 923, x-4 867 049), nastavlja dalje kosom do tačke sa koordinatama (y-6 534 964, x-4 867 335), potom granica ide na sjeverozapad presijecajući Perački potok, pa kosom kroz šumu do tačke sa koordinatama (y-6 534 631, x-4 867 850), zatim granica nastavlja ivicom šume do tačke sa koordinatama (y-6 534 646, x-4 868 130), odatle pravom linijom na kotu 1066, pa na sjevero-istok putem do tačke sa koordinatama (y-6 535 165, x-4 868 502), potom na kotu 1256 (Kozo) odakle je opis ovoga područja i počeo.

Sve gore navedene parcele se nalaze u: K.O. Visojevica, Općina Ilijaš; K.O. Tihovići, Općina Vogošća; K.O. Nahorevo i K.O. Močioći II, Općina Centar; K.O. Močioći i Vučija Luka, Stari Grad.

Površina obuhvata iznosi: P = 1430,07 ha. Opis granica je urađen sa karata razmjere: R = 1:10 000 i 1:25 000.

POGLAVLJE III. KATEGORIZACIJA I CILJEVI ZAŠTITE

Član 4.

(Kategorija zaštićenog područja i ciljevi zaštite)

Zaštićeno područje se proglašava trećom kategorijom - Spomenik prirode namijenjenim za ostvarivanje ciljeva: